

نص تحقيق النيابة مع عميد كلية الهندسة جامعة طنطا المعتقل بعد اقل من شهر من الافراج عنه



الأربعاء 4 يونيو 2014 12:06 م

#حكايات_من_المحاكمات

الدكتور / محمد عمار : عميد كلية الهندسة جامعة طنطا

أثناء التحقيق ، وبعد أن وجه إليه وكيل النيابة تهمة الانضمام لعصابة تستهدف قلب نظام الحكم
د/ محمد عمار : ممكن بس أقول حاجه لحضرتك ؟؟
وكيل النيابة : اتفضل ..

د/ محمد عمار : أنا بعد تفوقتي في الكلية خرجت بعته لكندا .. والدوله فعلا صرفت عليّ كثير .
أنا بعد البعثة اتعينت في الكلية اللي كنت بعمل الماجستير فيها ، وكان راتبى 5500 دولار يعنى أكثر من 40 ألف جنيه مصري في
الشهر ..

ومع ذلك قررت أرجع مصر رغم تمسك الناس في كندا بي جدا وكانوا بيتحايلاوا عليّ وعرضوا عليّ يزودا المرتب ..
أنا رفضت وقررت أرجع مصر وأرد الجميل بإنى أعلمى تلامذتى .
بعد عزل الدكتور مرسي فوجئت بالأمن يقتحم بيتى ويهدد أولادى ويعتقلونى بدون أى سبب أو مبرر وتم حبس تحت حجج واهية لمدة أكثر
من 5 شهور

وقدر ربنا إنى أخرج بعد خمس شهور

بعد ما خرجت أولادى اتحايلاوا عليّ أسافر خصوصا بعد ما واحد من زملائي بعثلى عقد عمل في كندا والأجر مفتوح وانا اللي
أقرره ..

رفضت وقلت إن مصر لها حق عليّ لازم أرده ، غير إن 2 من الطلبة أنا مشرف على رسالة الماجستير بتاعتهم وهم 2 نوابغ ورافضين إنى
أحولهم لحد تانى .

المره اللي فاتت قلت يمكن حصل لبس أو خطأ في الأسماء لأنى بجد مش عارف انتوا حبستونى ليه ... ورغم استمرار حبسى 5 شهور ..
قلت معلش (!)

أولادى قالولى يا بابا لازم تسافر .. مصر مش هي الدوله اللي تحافظ عليك ... الوضع سيئ جدا وهيقتلوك تانى ..
أنا رفضت وكنت بطمنهم وبقول لهم المره اللي فاتت أكيد كانت خطأ ومش هيتكرر تانى ..

سؤالى لحضرتك : ممكن بس تقولى لما أولادى يجوا يزرونى أقولهم ايه ؟؟؟!

وكيل النيابة : صمت رهيب ونظرات بتحديق للدكتور محمد .. شفاه صامته ولسان يعجز عن الكلام ونظرات تحميل الكثير والكثير من الحيرة
..

الدكتور محمد عمار : حضرتك ما جاوبتنيش !! .. أقول ايه لأولادى ؟؟؟؟

وكيل النيابة : مش عارف يا دكتور .. مش عارف أقولك ايه !!

نظر الدكتور نظرة حيرة وتعجب للحاضرين جميعاً وخرج الدكتور من غرفة التحقيق ولم يجد إجابة لسؤاله بعد ..